

JAMHURI YA MUUNGANO WA TANZANIA
WIZARA YA ELIMU, SAYANSI NA TEKNOLOJIA

Simu:027-2553066
Nukushi: 027 - 2553245.
Barua pepe: patanditc@gmail.com

Tovuti: <http://patanditc.tripod.com>.



Patandi Chuo Cha Ualimu,
S.L.P 66,
Duluti,
Arusha

18/09/2017

**MAELEKEZO YA KUJIUNGA NA MAFUNZO YA UALIMU NGAZI YA ASTASHAHADA /STASHAHADA
(ELIMU MAALUMU) 2017/2018**

1. UTANGULIZI.

Ninafurahi kukuarifu kuwa umechaguliwa kujiunga na Mafunzo ya Ualimu wa Elimu Maalum Ngazi ya **Astashahada/Stashahada. Mwaka wa masomo 2017/2018.** Nakupongeza kwa kuchaguliwa kwako. Karibu sana. **Unatakiwa kuripoti chuoni kuanzia tarehe 25/09/2017 hadi tarehe 9/10/2017.** Kuchelewa kufika Chuoni kutasababisha kupoteza nafasi yako ya kujiunga na Chuo.

Mahali chuo kilipo. Chuo cha Ualimu Patandi kipo Kilomita **11.5** kutoka Arusha mjini katika eneo la Tengeru, kijiji cha Patandi kando kando ya Mlima Meru katika barabara kuu ya Arusha-Moshi-Dar-es-Salaam. Popote utakapotokea, omba kushushwa katika kituo cha mabasi cha Tengeru.

Dira ya Chuo

Kuwa bora zaidi katika elimu jumuishi. (To be the centre of Excellency in inclusive education).

Moto wa chuo

Elimu kwa Wote (Education for all).

2. MAHITAJI KWA AJILI YA USAJILI

A.VYETI NA VITAMBULISHO

Ili kuthibitisha kwamba wewe ndiye uliyechaguliwa kwa Mafunzo ya Ualimu –Elimu Maalumu, lazima uje na vitu vifuatavyo:-

- i. Cheti halisi (Original Certificate nacopy 02) cha kufuzu mtihani wako wa Kidato cha Nne na/au cha Sita.
- ii. Cheti cha kuhitimu kidato husika (Leaving Certificate).
- iii. Kama wewe umehitimu Kidato cha Sita, ulete vyeti vyote vya Kidato cha Nne na Sita.
- iv. Kitambulisho chako cha Kazi.
- v. Nakala halisi ya barua ya kuitwa chuoni.

-
- vi. Barua kutoka kwa Mwajiri kukuruhusu kuja kusoma (Release Letter original na copy 02)
 - vii. Fomu ya kuthibitisha hali ya afya yako iliyojazwa taarifa za ukweli na Daktari wa Hospitali ya Serikali (Wilaya/Mkoa). **(Fomu imeambatanishwa).**
 - viii. Vyeti vya Ualimu na Leaving Certificate (Original Certificate na copy 02).
 - ix. Kama ulirudia mitihani ya baraza uwasilishe vyeti hivyo wakati unapojisajili.
 - x. Uje na kadi ya bima ya afya(kama hutakuwa nayo itakulazimu kulipia sh 50,000 kwa mwaka kwa ajili ya matibabu).
 - xi. Bahasha mbili za A4.

NB

- i. Mara ufikapo chuoni ripoti katika Ofisi ya Msajili/Mhasibu/Mwadili wa wanachuo au Makamu wa Mkuu wa Chuo kabla hujaenda mahali popote ukiwa na mahitaji yote yaliyoorodheshwa hapo juu(i-xi)
- ii. Hutasajiliwa bila kuonesha vifaa hivyo.
- iii. **Usajili utafanyika kila mwanzo wa muhula**

B.ADA.

Ada ya Mafunzo kwa mwaka mmoja ni Shs. 600,000/=. Fedha hiyo inaweza kulipwa kwa mkupuo mmoja, au nusu yake kila mwanzo wa muhula. **Fedha za Ada ya Mafunzo zilipwe/Zitumwe kwenye Akaunti ya Chuo ambayo ni: Patandi Teachers' College Revenue Collection Account No. 4081100046, National Microfinance Bank (NMB), Tawi la Clock Tower – Arusha.**

Michango muhimu unayotakiwa kukabidhi(pay-in-sleep) unaporipoti chuoni ni kama ifuatavyo:-

MAHITAJI	MUHULA WA KWANZA	MUHULA WA PILI
Gharama za usajili	Tsh. 5,000/=	Tsh. 5,000/=
Mahafali(kwa mwaka)	Tsh.10,000/=	.
Kitambulisho	Tsh. 5,000/=	.
Huduma ya kwanza	Tsh. 5,000/=	-
Kukodisha godoro	Tsh. 7,500/=	Tsh. 7,500/=
Ukarabati	Tsh. 10,000/=	Tsh. 10,000/=
Michezo	Tsh. 5,000/=	Tsh. 5,000/=

Uchapishaji wa Leaving Certificate	Tsh. 5,000/=	-
Ulinzi	Tsh. 5,000/=	-
Ada ya Mtihani	Tsh. 50,000/=	-
Huduma ya Serikali ya Wanachuo (MUWATA)	Tsh. 2,500/=	Tsh 2,500/=
Gharama za uendeshaji wa chuo	Tsh.25,000/=	Tsh25,000/=
TOTAL	Tsh.135,000/=	Tsh 55,000/=

Fedha zote za michango zilipwe/Zitumwe National Bank of Commerce (NBC) Account No. 014103007311 - Tawi la Arusha.

E.SARE

Mavazi unayotakiwa kuja nayo hapa ni yale ya heshima, yenye kuonyesha maadili ya ualimu. Nguo fupi na za kubana **haziruhusiwi.**

Wavulana


- i. Shati la mikono mirefu rangi ya maji ya bahari (light blue)
- ii. Suruali nyeusi, tai nyeusi, koti jeusi ambalo ni kitambaa cha suti,(suit material) /sweta jeusi lenye kola ya V.

Wasichana


- i. Shati Mikono mirefu rangi ya maji ya bahari (light blue)
- iii. Sketi nyeusi, tai nyeusi, koti jeusi ambalo ni kitambaa cha suti,(suit material) /sweta jeusi lenye kola ya V pamoja na Sketi yenye mshono wa A shape.

Angalia kiambatisho cha ushonaji wa sare hapo chini.

PICHA 1



PICHA 2



SARE KWA AJILI YA WANACHUO WA KIISLAMU.

- i. Kwa wanafunzi wa Kiislamu wanaruhusiwa kushona Hijab. Blauz inatakiwa ipite magoti na iwe pana(short kanzu) yenye rangi ya light blue(blue bahari)
- ii. Suruali nyeusi pana na isiwe ya kubana.
- iii. Kitambaa cha kichwani kinatapaswa kuwa cha rangi ya light blue.

3. MAVAZI MUHIMU

a.Wavulana

- i. Viatu vyeusi vya ngozi(viwe vya kufunika miguu).
- ii. Nguo za michezo T/shirt,trucksuit ya darkbluu na raba.

b.Wasichana.

- i. Viatu vyeusi vyenye(visigino vifupi na vipana vya kufunika miguu).
- ii. Nguo za michezo bukta, T/shirt, raba na trucksuit ya darkbluu.

ANGALIZO:

- i. Kanda mbili ni marufuku kuvaliwa bwaloni, ofisini, darasani na kwenye mikutano yote ya Chuo.

4. MAHITAJI MUHIMU KWA AJILI YA MALAZI NA CHAKULA

Ili kufanikisha masomo yako na maisha yako kwa ujumla unapokuwa hapa, vifaa vifuatavyo ni vya lazima: -

- i. Blanketi 1 na chandarua cha mbu rangi nyeupe pembe nne.Eneo hili lina mbu wengi na baridi kwa kipindi fulani.
- ii. Shuka jozi mbili rangi ya bluu bahari
- iii. Mto na foronya mbili za bluu bahari.
- iv. Sahani, bakuli, kikombe, (**Visiwe vya plastiki**) na kijiko kwa ajili ya chakula.
- v. Koti la mvua au mwamvuli.
- vi. Gum boots.
- vii. Ndoo, za maji mbili moja ya usafi na nyingine ya maji ya kunywa na kifaa cha kuhifadhia maji ya kunywa.
- viii. Mwanachuo anatakiwa aje na(**wanaume majembe na wanawake mapanga**) pamoja na fagio.

5.MAHITAJI YA LAZIMA KWA AJILI YA TAALUMA.

- i. Daftari zisizopungua 20 na vifaa vya kuandikia.
- ii. Ream moja ya karatasi za kutolea vivuli (photocopy) ukubwa wa A4. Aina ya karatasi iwe mojawapo kati ya hizi zifuatazo: **Nopa Top; Golden Star; Rotatrim; Logic 700** au aina nyingineyo ili mradi ni photocopy. *{Tafadhali usilete "Duplicating au Typing Papers"}.Rim itahitajika kila mwaka wa masomo*
- iii. Kila muhula, utatakiwa kuandaa zana za kufundishia ambazo zitakaguliwa na kupewa alama kama sehemu ya kozi yako.
- iv. Kukamilika kwa kozi yako ni pamoja na kufanya Utafiti. Kazi hiyo **sharti** ikamilike na ikabidhiwe kwa Mkufunzi atakayekuwa anakusimamia kabla ya mtihani wa mwisho.

6. MAAGIZO MUHIMU KWA AJILI YA AFYA YA MWANACHUO

- i. Chuo hakina zahanati. Matibabu yote yatafanyika kwenye Hospitali ya Wilaya iliyoko umbali wa mita 500 kutoka Chuoni.
- ii. Unatakiwa kujiandalia fedha kwa ajili ya matibabu endapo yatahitaji kulipiwa zaidi.
- iii. Chuo **hakitoi** chakula maalum (**special diet**). Iwapo una matatizo ya chakula ni vema ujiandalie fedha za kutosha kwa ajili hiyo.

NB: Matatizo ya kiafya yasiyoelezwa katika Fomu ya matibabu hayatakubaliwa kabisa. aidha FOMU kwa ajili ya kupima afya imeonyeshwa katika KIAMBATISHO NA.1)

7. MAWASILIANO

- i. Taarifa zote muhimu kama maafa au msiba toka nyumbani zipitie kwa Mkuu wa Chuo na si kwa mwanachuo moja kwa moja.
- ii. Unashauriwa kuwaelekeza ndugu zako kutoa taarifa kwa uongozi wa Chuo kuhusiana na tatizo la nyumbani na siyo kukutaarifu WEWE moja kwa moja. Barua zote za kuitwa au kualikwa kwenye vikao mbalimbali hazina budi zipitie kwa Mkuu wa Chuo.

NB Taarifa itakayoletwa na mwanachuo haitasikilizwa.

8. MENGINEYO.

- i. Kila mwanachuo anatazamiwa awe na mwenendo wa kiuilimu na tabia nzuri wakati wote wa kozi yake.
- ii. Kwa mijiibu na taratibu na sheria za vyuo za Vyuo vya Ualimu mwanachuo atalazimika ndani ya Chuo na si Vinginevyo.
- iii. Unatakiwa kushiriki kikamilifu katika Shughuli zote zinazoendeshwa Chuoni Hapa.
- iv. Hereni, vidani, uwekaji wa madawa kwenye nywele (Relaxer, curl), kuvaa nywele za bandia (wig), kupaka wanja, kupaka rangi midomo na kucha, kunyoa kipara au panki na kufuga ndevu na kuvaa nguo fupi haviruhusiwi wakati wo wote uwapo chuoni hapa.
- v. Kipindi chote cha mafunzo mwanachuo wa kike haruhusiwi kubeba ujauzito.

9. NGUZO/KANUNI NA TARATIBU ZA CHUO

- i. Nidhamu inapewa kipaumbele katika kufanikisha taaluma na maadili bora ya kiuilimu. Unatarajiwa kuzingatia kanuni hizo ili uweze kuwa mwalimu aliye bora.
- ii. Nguzo za Chuo zimeambatishwa; unatakiwa uzisome na kuzielewa. Iwapo unaona zitakuwika ngumu kuzifuata, ni heri ukate shauri kutokuja. Utakapofika Chuoni, utapewa maelekezo maalumu kuhusu Nguzo-Adili hizo.

MWISHO:Kwa maelezo zaidi tafadhali wasiliana na watu wafuatao kwa namba zifuatazo.

Simu ya mezani : 027-2553066

Msajili 0689 517 171/0621069341

Msajili msaidizi 0757 972753/0787816719

Chuo kinakukaribisha sana Patandi, pamoja na kukutakia safari njema ya kufika hapa.

Pia form hii inapatikana kwenye tovuti ya Chuo: <http://patanditc.tripod.com>.


Lyana J.M
MKUU WA CHUO
CHUO CHA UALIMU PATANDI

KIAMBATISHO NA1.

GOVERNMENT OF TANZANIA
REQUEST FOR MEDICAL EXAMINATION

PART A:



TO: The Medical Officer

From:
Teachers' College.

.....
.....
.....
.....

Name of student teacher

.....

Please examine the above named as to his/her physical and mental fitness for a full time teachers course.

- A: 1. (a) Eye – sight
- (b) Hearing
- (c) Speech
- (d) Venereal Diseases
- (e) Leprosy
- (f) Limbs
- (g) Epilepsy
- 2. Neuroses
- 3. Other serious diseases.

B: Blood Group

Date:

Signature.....

Official Stamp

PART B:

MEDICAL CERTIFICATE.

(To be completed by Government Medical Officer)

I have examined the above named student that he/she is physically fit/unfit and mentally *fit/unfit for a full time teacher Education course.

- (a) Eye – sight.....
- (b) Hearing.....
- (c) Limbs.....
- (d) Speech.....
- (e) Leprosy.....
- II. Neuroses.....
- III. Other serious diseases.....
- IV. Pregnancy.....

Date.....Signature.....

Official Stamp

KIAMBATANISHO 2

JAMHURI YA MUUNGANO WA TANZANIA WIZARA YA ELIMU SAYANSI NA TEKINOLOJIA



CHUO CHA UALIMU ELIMU MAALUMU PATANDI

Nguzo /kanuni za chuo

1. Kila Mwanachuo lazima ahudhurie na kuwahi vipindi vyote vilivyopangwa katika ratiba Mwanachuo ataachishwa mafunzo asipohudhuria 1/3 (theluthi) ya idadi ya vipindi katika muhula mmoja.
2. Kila mwanachuo anapaswa kuwahi mahali anapotakiwa, mfano:- darasani, bwaloni, kazini kenye michezo, mikutanoni, “roll- coll” na miito yote inapotokea. Kila moja sharti afanye kazi zote zitolwazo na Chuo.
3. Kila mwanachuo analazimika kuwa mfano bora kwa matendo na kauli yake lugha za matusi ni mwiko.
4. Hairusiwi kwa mwanachuo kutumia aina yoyote ya kilevi akiwa chuoni, kutembelea majumba ya starehe na nyumba za kulala wageni.
5. Mwanachuo lazima kuwa mwaminifu kwa kutunza na kulinda mali ya umma na ya wenzake. Wizi utaelekeza kuachishwa mafunzo kwa mwanachuo. Aidha uharibifu wa mali za chuo adhabu yake ni kulipa.
6. Chakula chote kitapikwa jikoni na kitaliwa bwaloni kwa muda uliopangwa. Mabadiliko yoyote yatafanywa kwa kibali cha mwadili au mkufunzi wa zamu.
7. Hairusiwi kuingia ofsini, darasani au bwaloni ukiwa umevaa bukta za michezo, kanda mbili, kanga nguo za usiku na kofia. Nguo zisizo za heshima ni marufuku katika mazingira ya chuo.
8. Mwanachuo atatoka nje ya mipaka ya chuo kwa kibali cha maandishi cha mkufunzi wa zamu au Mkufunzi yeyote aliyeko karibu. Baada ya saa 12.00 jioni, hakuna ruhusa kwa mwanachuo kutoka nje ya mipaka ya chuo.
9. Ruhusa ya kulala nje ya chuo itatolewa na mkuu wa chuo kupitia kwa mwadili wa wanachuo. Kulala nje ya chuo bila kibali hicho, kutasababisha mwanachuo kuachishwa mafunzo.
10. Mwanachuo atatoka nje akiwa katika sare ya chuo na si vinginevyo. Adhabu kali itatolewa kwa atakayebainika kwenda kinyume na utaratibu huu.
11. Mwanachuo mgonjwa atapashwa kupata kibali cha Mkufunzi wa Zamu kwenda hospitalini kwa matibabu. Aidha kibali cha kupumzika bwenini kutokana na ugonjwa kitatolewa na daktari na kithibitishwe na Mkufunzi wa Zamu kabla ya kulala bwenini.
12. Si ruhusa kwa mwanachuo wa jinsia moja kumtembelea mwanachuo wa jinsia tofauti bwenini.

13. Wanachuo wanaruhusiwa kutembelewa na wageni siku za mapumziko kuanzia saa 7:30 mchana hadi saa 11:30 jioni. Ni marufuku kumwingiza mgeni bwenini pasipo kibali cha mwadili wa Wanachuo.
14. Mikutano ya wanachuo itafanyika kwa kibali cha mwadili wa wanachuo, kinyume chake ni batili
15. Kugoma au kuchochea watu waingie katika mgomo ni kosa kubwa, adabu yake ni kuachishwa Mafunzo.
16. Barua za kiofisi au makala yoyote inayopelekwa kwenye vyombo vya habari, lazima kupitia kwa Mkuu wa Chuo
17. Kupigana/ kele/fujo na kutishia haviruhusiwi kwa mawanachuo awaye yote.
18. Kwa vile wanachuo wote ni waajiriwa chini ya masharti ya Idara ya Utumishi wa Walimu (TSC), kanuni zinazotawala maadili ya Ualimu zitatumika mahali ambapo maadili hayo yatatenguliwa.

TANBIHI:- Serikali ya wanachuo itakuwa na uwezo wa kutoa adhabu kwa mwanachuo yeyote

atakayevunja Nguzo/Kanuni hizi. Lakini atakayekaidi Serikali hiyo itafikisha suala hilo kwa

Mwadili wa Wanachuo kwa hatua kubwa zaidi.


Lyana J.M
MKUU WA CHUO
CHUO CHA UALIMU PATANDI